



## TRIAL poziva na trening

„Prava preživjelih ratnog seksualnog nasilja, međunarodni standardi i mehanizmi za zaštitu njihovih ljudskih prava“

09.-10. februar 2016. godine,  
Sarajevo

U okviru Programa podrške preživjelim seksualnog nasilja iz rata u BiH, koji djeluje od 2010. godine, Track Impunity Always–TRIAL ured u BiH poziva zainteresovane osobe da se prijave na trening kroz koji će unaprijediti svoje znanje o međunarodnim standardima ljudskih prava koji se tiču preživjelih ratnog seksualnog nasilja, s fokusom na dosuđivanje naknade štete oštećenim licima i unaprijeđenje razumijevanja potreba žrtava i svjedoka/inja, te shodno tome poboljšanje komunikacije s njima.

*Kakve obaveze država ima prema žrtvama teških kršenja ljudskih prava kada je u pitanju krivično gonjenje počinitelja zločina? Kakve kriterijume istraga mora ispunjavati kako bi se smatrala usklađenom sa međunarodnim pravom? Šta je u tom pogledu utvrdio Evropski sud za ljudska prava i Ustavni sud BiH? Na koji način se žrtvama može obezbijediti pravo na ostvarivanje imovinsko-pravnog zahtjeva u toku krivičnog postupka? Kakve standarde uspostavlja Međunarodni protokol o dokumentovanju i istraživanju slučajeva seksualnog nasilja u konfliktu koji mogu biti primjenjeni u radu pravosudnih institucija u BiH? Na koji način je potrebno pristupiti žrtvama seksualnog nasilja u svakodnevnom radu, kako bi se vodilo računa o njihovim specifičnim psihološkim potrebama?*

Ovo su neka od pitanja koja će biti diskutovana tokom dvodnevnog treninga. Isti će voditi uposlenice TRIAL-a, pravna savjetnica Adrijana Hanušić i voditeljica programa Selma Korjenić. Također, učesnice/ici će imati priliku da slušaju predavanje i razgovaraju sa predstavnicama/ima Vrhovnog suda Federacije BiH i Tužilaštva BiH, te stručnjakinjom iz oblasti pružanja psihosocijalne podrške. Pored izlaganja predavača/ica, trening će se bazirati na interaktivnom radu učesnika/ica, uključujući rad u grupama i rad na studijama slučajeva.

Trening je otvoren za učešće: osoblju pravosudnih institucija (tužilaštava i sudova) u Bosni i Hercegovini, a prednost će imati osoblje koje radi ili namjerava raditi na predmetima ratnih zločina.

Prijave za učešće sa ličnom biografijom možete slati do 25. januara 2016. godine na e-mail: [adisa.fisic@trial-ch.org](mailto:adisa.fisic@trial-ch.org) sa naslovom "Prijava za trening" ili putem faks na broj 033 219 873. Pitanja i komentare možete uputiti na isti email ili putem telefona. Troškove smještaja, hrane i puta pokriva organizator treninga. Dodatne informacije i detalji će biti proslijeđeni nakon odabira učesnika/ca. Broj učesnika/ica je ograničen.

## O TRIAL-u

Osnovana 2002. godine u Ženevi, TRIAL je organizacija sa mandatom da stavi pravo u službu žrtava međunarodnih zločina (genocida, zločina protiv čovječnosti, ratnih zločina, torture i prisilnog nestanka). TRIAL se bori protiv nekažnjivosti počinitelja najtežih međunarodnih zločina. Organizacija zastupa interese žrtava pred švicarskim sudovima i brojnim međunarodnim tijelima za zaštitu ljudskih prava. TRIAL također radi na podizanju svijesti vlasti i javnosti u vezi sa potrebom za efikasnim nacionalnim i međunarodnim pravosudnim sistemom za procesuiranje zločina.

U proteklih 12 godina je pružio pravnu pomoć za 360 žrtava, korištenjem 145 međunarodnih postupaka koji se tiču Alžira, Bosne i Hercegovine (BiH), Burundija, Libije, Nepala, Rusije i Tunisa. Organizacija je podnijela 50 izvještaja UN-u, te podržala ili direktno radila na više od 120 domaćih postupaka od kojih je veliki broj rezultirao istragama, presudama ili se iste očekuju, i to u Alžiru, Bosni i Hercegovini, Burundiju, Francuskoj, Nepal, Švicarskoj, Tunisu i Ujedinjenom Kravljestvu.

**Facebook: TRIAL u Bosni i Hercegovini**

**Web stranice: [www.trial.ba](http://www.trial.ba), [www.trial.org](http://www.trial.org)**